



COVID-19 Emergency Benefit mo ē umia visa mo se taimi lē tumau

1 Tesema 2020

Afai o e umia se visa mo se taimi lē tumau, ma o feagai ma tulaga faigata tau seleni ma ua lē mafai ona toe foi i lou aiga talu ai le COVID-19, e ono mafai ona matou fesoasoani atu. E mafai i le Emergency Benefit ona fesoasoani i mea masani e te moomia mo le soifuaga, a o faia au tapenaga e toe foi ai i lou aiga i se taimi vave e mafai ai.

E maua le Emergency Benefit mo i latou o umia visa mo se taimi lē tumau seia oo atu i le aso 28 Fepuari 2021.

Afai o e umia se visa na talosagaina e se sponsor, pe ua e filifili lava oe e te nofo ai pea i Niu Sila, e te lē agavaa mo le Emergency Benefit.

Tagata e agavaa

E ono mafai ona e maua le Emergency Benefit pe afai:

- o loo:
 - e fuafua e toe foi i lou aiga i se taimi vave e mafai ai, pe
 - ua lē mafai ona e toe foi talu ai o loo faatapulaa femalagaiga ona o le COVID-19, ae o le a e malaga ese i le taimi lava e tatala ai faigamalaga
- umia se visa mo se taimi lē tumau e nofo ai i Niu Sila e lē o se visa mai se sponsor, mo se faataitaiga, visa tafao, visa tamaiti aoga, visa faigaluega poo se visa faatalitali
- e iai se teugatupe i se faletupe i Niu Sila
- e iai se numera mai le Inland Revenue (IRD) (e mafai ona maua sau numera pe a uma ona talia lau penefiti)
- e iai se tusifolau
- o feagai ma tulaga faigata tau tupe ma ua leai se isi lava fesoasoani (e ese mai tupe e totogi ai lou pasese i le vaalele).

E moomia foi lou sailia o isi auala uma e maua ai se fesoasoani, e aofia ai:

- le sailia o se galuega
- faamautu lau malaga i avanoa faigamalaga ua maua e toe foi ai i lou aiga
- maua le fesoasoani mai lau Amapasa, Komesina poo le Konesula
- teugatupe i le faletupe
- fesoasoani mai aiga, uo, ekalesia poo faalapopotoga tau aoaoga (i totonu o Niu Sila poo atunuu mamao).

O le a fuafua foi tulaga nei i lau totogi maua ma aseta.

Fesoasoani e mafai ona e maua

E totogi le Emergency Benefit e oo atu i le aso 28 Fepuari 2021, i le umi e te agavaa ai. O le telē o le tupe e te maua e fuafua i tulaga o feagai ma oe.

Tulaga e patino ia te oe	O le telē e mafai ona e maua
E lei faaipoipo, 16-24 tausaga le matua	\$213.10 i le vaiaso
E lei faaipoipo, 25 tausaga le matua ma luga atu	\$250.74 i le vaiaso
Fai lou toalua ma lau fanau	\$428.06 i le vaiaso
O se matua nofo toatasi	\$375.17 i le vaiaso

Auala e talosaga ai

E tatau ona e susū ane i se ofisa a le Work and Income e faatulaga se avanoa e te lua feiloai tino ai ma se case manager. E lē mafai ona fai lau talosaga i luga o le telefoni poo le initaneti. E moomia ona:

- faatumu le pepa talosaga
- faaali au faamaumauga ma faamatalaga o lau visa
- talanoa i lau case manager e uiga i lau talosaga.

O oe (ma lou toalua, pe afai ua fai sou toalua) e moomia ona oulua tuuina mai faamaumauga nei:

- Tusifolau o loo iai i le taimi nei
- O isi mea e faamaonia ai, faataitaiga:
 - laisene avetaavale
 - pili telefoni po o le eletise o loo faatuatusi i lou igoa
 - pepa faaipoipo poo le pepa fanau
- Faamaoniga o lau visa o loo iai i le taimi nei
- Faamatalaga tau teugatupe o loo faaalia ai faamatalaga o lau tusitupe i totonu o Niu Sila
- Numera a le Inland Revenue (pe afai e lei maua se numera, e mafai ona e tuuina mai le numera i totonu o le 10 aso talu ona tuuina mai le talosaga mo le Emergency Benefit)
- Tusifolau poo pepa fanau mo tamaiti o loo e tausia, pe afai o se tulaga lea e faatatau ia te oe.

Faamaoniga o lau visa: E pei o se tusi mai le Immigration NZ e faamaonia ai lau visa ma faamatalaga o lau visa o loo iai i le taimi nei. Afai e lē o maua mai ia te oe faamaumauga o le visa, e mafai ona e faailoa mai faamatalaga o lau visa i le initaneti e faaogā ai le Immigration NZ Visa Verification Service. Mo le faia o tulaga nei, e tatau ona iai sau RealMe account i luga o le initaneti [ae e te lei](#) susū ane i le Work and Income. E tatau ona fai sau Realme account e fai i le upega tafailagi a le Immigration NZ: www.immigration.govt.nz/about-us/our-online-systems/visa-verification-service/about

Faamaoniga o au aseta i totonu o Niu

Sila ma atunuu mamao: E ono moomia foi ona faaali faamaoniga o au aseta. O le a faailoa atu e lau case manager tulaga nei.

O le isi laasaga

Afai ua talia lau talosaga, o le a totogi sa'o atu lau Emergency Benefit i lau tusitupe i totonu o Niu Sila.

Faamaumauga tau fesootaiga e maua ai nisi faamatalaga

Silasila i le upega tafailagi a le Work and Income

www.workandincome.govt.nz/temporaryvisa.

Susū ane i le ofisa a le Work and Income i le Ministry of Social Development Office o lata ane i le nofoaga o e aumau ai. Saili ofisa o lata ane i le:

www.workandincome.govt.nz/about-work-and-income/contact-us/find-a-service-centre

CODE – Publishing date

New Zealand Government